



**Broj: X-K/09/763 - 1**  
**Sarajevo, 17.02.2010. godine**

## **U I M E B O S N E I H E R C E G O V I N E**

Sud Bosne i Hercegovine, sudija Ljubomir Kitić kao sudija za prethodno saslušanje, uz sudjelovanje pravnog saradnika Lane Ferović kao zapisničara, u krivičnom predmetu protiv optuženog Vuknić Milana, zbog krivičnog djela Neovlašteni promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine (KZ BiH), povodom optužnice Tužilaštva Bosne i Hercegovine – Posebni odjel za organizovani kriminal, privredni kriminal i korupciju, broj: KT-366/09 od 04.02.2010. godine, nakon održanog glavnog, usmenog i javnog pretresa povodom Sporazuma o priznanju krivnje, u prisustvu tužioca Tužilaštva BiH Dubravka Čampare, optuženog Vuknić Milana i njegovog branioca, advokata Slavka Aščerića, donio je i javno objavio dana 17.02.2010. godine sljedeću:

### **P R E S U D U**

#### **OPTUŽENI:**

**MILAN VUKNIĆ**, sin Ante i majke Marije, rođene Lešina, rođen 19.10.1970. godine u Imotskom, nastanjen u mjestu Runovići bb, opština Imotski, Republika Hrvatska, državljanin Republike Hrvatske, posjeduje pasoš broj RH LK 101479047, ranije osuđivan, nalazi se u pritvoru po rješenju Suda broj X – KRN – 09/763 od 13.08.2009. godine, koji pritvor je produžen rješenjem od 09.02.2010. godine i koji može trajati do 09.02.2012. godine ili do nove odluke Suda.

#### **K R I V J E**

#### **Što je:**

U periodu od 20.02.2009. godine do 11.08.2009. godine **Milan Vuknić** radi daljne međunarodne kupoprodaje dogovorio i organizovao grupu ljudi radi kupovine, prijevoza i prenosa opojne drogu „heroin“ na područje Bosne i Hercegovine, a radi međunarodne kupoprodaje i daljeg prijevoza i prenosa, slanja i isporuke opojne droge „heroin“ iz Bosne i Hercegovine u u Republiku Hrvatsku, od njemu poznatih lica sa područja Republike Crne Gore, a koja opojna droga je Konvencijom o psihotropnim supstancama od 1971. godine i Rješenjem o popisu opojnih droga („Službeni list RBiH“ br. 2/92 i 13/94) proglašena opojnom drogom i

čiji je promet zabranjen u skladu sa odredbama Zakona o proizvodnji i prometu opojnih droga („Službeni list RBiH“ br.2/92 i 13/94) i Zakona o spriječavanju i suzbijanju zloupotrebe opojnih droga („Službeni glasnik BiH“ br. 8/06), kojoj grupi ljudi su pristupili **Milan Vuknić** poznata NN osoba po imenu „Bole“ i druga NN osoba sa područja R. Crne Gore, da bi zajedno organizovali međunarodni promet supstanci ili preparata koji su propisom proglašeni opojnim drogama, na šta su ovi pristali, te postali članovi ovako organizovane grupe ljudi, u smislu člana 1. stav. 18. KZ BiH, a sve radi sticanja protupravne imovinske koristi, te je tako:

### **1. Milan Vuknić, zajedno sa više drugih njemu poznatih osoba**

Dana 11.08.2009. godine **Milan Vuknić** u skladu sa prethodnim dogovorom sa njemu poznatim osobama sa područja R. Crne Gore po imenu „Bole“ i drugom njemu poznatom NN osobom, u pratnji izvjesne osobe sa područja Bosne i Hercegovine njemu poznate po imenu Dinko Križanac, izvršio prethodno dogovorenu kupoprodaju i preuzimanje opojne droge „heroin“ **ukupne neto mase 3474,358 grama** na području Bosne i Hercegovine, tačnije Grada Sarajeva, i to u Tržnom centru „Merkator“, ulica Ložionička broj 16 u Sarajevu, od njemu poznate NN osobe po imenu „Bole“, koja se opojna droga nalazi na popisu opojnih droga a koja je Rješenjem o popisu opojnih droga („Službeni list RBiH“ br. 2/92 i 13/94) proglašena opojnom drogom i čiji je promet zabranjen u skladu sa odredbama Zakona o proizvodnji i prometu opojnih droga („Službeni list RBiH“ br.2/92 i 13/94), te organizovao dalji prevoz i prenos ove opojne droge preko granične crte između Bosne i Hercegovine i R. Hrvatske na način da je **Milan Vuknić** u skladu sa gore navedenim prethodnim dogovorom dana 11.08.2009. godine oko 07,30 sati svojim pmv. marke „VW Golf Variant“, crne boje, Hrvatskih nacionalnih registarskih oznaka broj IM-278-AG, preko graničnog prelaza Vinjani Gornji, Imotski, prešao graničnu crtu između R. Hrvatske u Bosnu i Hercegovinu, te se dalje prevezao do Tomislavgrada, gdje ga u skladu sa prethodnim dogovorom dočekuje izvjesna osoba njemu poznata po imenu Dinko Križanac koju je **Milan Vuknić** prethodno angažavao kao vozača na načina da je **Milan Vuknić** prethodno kontaktirao Dinka Križanca te istom ponudio da ga Dinko Križanac preveze iz Tomislavgrada u Sarajevo radi obavljanja određenog posla o čijoj prirodi **Milan Vuknić** nije informisao Dinka Križanca, za koju uslugu mu je obećao i isplatio novčanu naknadu u iznosu od 250,00 Eura, a što je Dinko Križanac prihvatio, te je dana 11.08.2009. godine dočekao **Milana Vuknića** na unaprijed dogovorenom mjestu u Tomislavgradu te istog dalje prevezao sa pmv marke „Audi A-6“, crne boje, BiH nacionalnih registarskih oznaka broj 173-K-360 sa područja Tomislavgrada do Sarajeva, tačnije Tržnog centra „Merkator, ulica Ložionička broj 16, gdje se **Milan Vuknić** u periodu između 12,00 i 15,30 sati, u skladu sa prethodnim dogovorom sa njemu poznatom NN osobom sa područja R. Crne Gore, susreće sa njemu poznatom osobom po imenu „Bole“ sa područja R. Crne Gore, od kojeg preuzima opojnu drogu herion **ukupne neto mase 3474,358 grama**, koja opojna droga je prethodno na njima poznat način prokrijumčarena na područje Bosne i Hercegovine, te istom isplaćuje iznos prethodno ugovorene njima poznate

kupoprodajne cijene te od istog preuzima opojnu drogu heroin ukupne **ukupne neto mase 3474,358 grama** , na način da **Milanu Vukniću** poznata osoba po imenu „Bole“ donosi gore navedenu opojnu drogu do Tržnog centra Merkator te mu **Milan Vuknić** isplaćuje njima poznati iznos novca na ime kupoprodajne cijene, nakon čega svi zajedno odlaze prema gore navedenom vozilu kojom prilikom **Milanu Vukniću** poznata osoba po imenu „Bole“ istom predaje pvc kesu u čijoj unutrašnjosti se nalazi gore navedena opojna droga te **Milan Vuknić** istu prihvata i preuzima, nakon čega svi zajedno sjedaju u vozilo kojim su se **Milan Vuknić** i izvjesna osoba po imenu Dinko Križanac dovezli u Sarajevo, tako da izvjesna osoba po imenu Dinko Križanac sjeda na mjesto vozača, **Milan Vuknić** držeći kod sebe preuzetu opojnu drogu na zadnje sjedište vozila a njemu poznata osoba po imenu „Bole“ na mjesto suvozača te se dalje zajedno voze do cestovnog proširenja kod firme „ASA Auto“ u Sarajevu na kojem proširenju izvjesna osoba po imenu Dinko Križanac po zahtjevu **Milanu Vukniću** poznate osobe po imenu „Boele“ zaustavlja vozilo te **Milanu Vukniću** poznata osoba po imenu „Bole“ izlazi iz vozila i odlazi u njemu poznatom pravcu, nakon čega **Milan Vuknić** prelazi sa zadnjeg sjedišta vozila na mjesto suvozača ostavljajući prethodno kupljenu i preuzetu opojnu drogu „heroin“ upakovanu i skrivenu na podu vozila iza sjedišta suvozača te dalje zajedno sa izvjesnom osobom po imenu Dinko Križanac koju je **Milan Vuknić** prethodno angažovao kao vozača na gore opisani način ne obavještavajući ga o prirodi posla kojeg je **Milan Vuknić** obavio u Sarajevu zajedno sa njemu poznatim osobama, kreće natrag prema Tomislavgradu koristeći kao prevozno sredstvo naprijed opisano pmv koje koristi izvjesna osoba po imenu Diko Križanac, krećući se putnim pravcem Sarajevo, Ilidža, Blažuj, Kiseljak, Busovača, Travnik, Donji Vakuf, Bugojno, Kupres, a radi daljeg transporta predmetne opojne droge iz Bosne i Hercegovine u R. Hrvatsku, da bi predmetno vozilo dana 11.08.2009. godine bilo zaustavljeno u mjestu Viline kuće od strane OSL, kojom su prilikom osobe u vozilu identifikovane kao **Milan Vuknić** i izvjesni Dinko Križanac koji je upravljao predmetnim vozilom, da bi prilikom pretresa predmetnog vozila, u unutrašnjosti istog, tačnije na podu putničke kabine predmetnog pmv, iza sjedišta suvozača, OSL Federalne uprave policije pronašli torbu plavocrne boje sa natpisom „Tools&more“ u čijoj unutrašnjosti je pronađena NN supstanca upakovana u ukupno sedam paketa pravougaonog oblika, obljepljenih smeđom samoljepljivom trakom od kojih tri paketa upakovana u crne pvc vrećice, i to neto mase od: **494,392 grama, 496,930 grama, 497,157 grama, 497,387 grama, 495,898 grama, 494,220 grama i 498,374 grama**, dakle **ukupne neto mase 3474,358 grama**, a za koju NN supstancu je vještačenjem utvrđeno da se radi o opojnoj drogi heroin

### **Dakle da je:**

Organizovao grupu ljudi radi neovlaštene međunarodne kupovine, prodaje, prijenosa, držanja, prevoza i prenosa, uvoza i izvoza supstanci ili preparata koji su propisom proglašeni opojnim drogama, a njemu poznate osobe po imenu „Bole“ i druga njemu poznata NN osoba sa područja R. Crne Gore postali pripadnici organizovane grupe ljudi radi neovlaštene međunarodne kupovine, prodaje,

prijenosa, držanja, prevoza i prenosa supstanci ili preparata koji su propisom proglašeni opojnim drogama.

### **Čime je počinio:**

krivično djelo Neovlašteni promet opojnim drogama iz člana 195. st. 2. u vezi stava 1. KZ BiH.

Pa ga Sud na osnovu citiranih zakonskih propisa, te uz primjenu članova 39, 42. i 48. KZ BiH za predmetno krivično djelo

## **OSUĐUJE NA KAZNU ZATVORA U TRAJANJU OD TRI (3) GODINE**

Na osnovu člana 56. KZ BiH u izrečenu zatvorsku kaznu optuženom Milanu Vukniću uračunava se vrijeme koje je proveo u pritvoru po rješenju ovog Suda broj X-KRN-09/763 od dana lišenja slobode 11.08.2009. godine pa do upućivanja na izdržavanje kazne.

Na osnovu člana 195. stav 4. KZ BiH od optuženog se oduzima 3474,358 grama opojne droge heroin.

Na osnovu člana 396. ZKP BiH u vezi sa članom 110. stav 1. KZ BiH od optuženog Milana Vuknića oduzima se imovinska korist u iznosu od 2.400,00 EUR – a i 60,00 KM.

Na osnovu člana 74. KZ BiH od optuženog Milana Vuknića oduzimaju se jedna GSM SIM kartica „HEJ“ serijskog broja 8988703010013278843, jedan mobilni telefonski aparat marke „Samsung“ IMEI broja 3538820238899719 sa umetnutom GSM SIM karticom i jedan mobilni aparat marke „Sony ericsson“ srijskog broja BD302BTVP6 bez umetnute GSM SIM kartice oduzeti po potvrdi o privremenom oduzimanju predmeta broj 13/4 – SL – 2/09 od 11.08.2009. godine, kao predmeti upotrijebljeni za učinjenje krivičnog djela.

Na osnovu člana 188. stav 1. Zakona o krivičnom postupku BiH, optuženi Vuknić Milan obavezuje se naknaditi troškove krivičnog postupka o kojima će Sud naknadno odlučiti.

## **O b r a z l o ž e n j e**

Tužilaštvo Bosne i Hercegovine je optužnicom broj: KT-366/09 od 04.02.2010. godine, potvrđenom dana 05.02.2010. godine, optužilo Vuknić Milana za krivično djelo Neovlašteni promet opojnim drogama iz člana 195. stav 2. u vezi stava 1. KZ BiH

Dana 12.02.2010. godine, optuženi Vuknić Milan i njegov branilac, advokat Slavko Aščerić, zaključili su Sporazum o priznanju krivnje sa tužiteljicom Tužilaštva BiH Dianom Kajmaković, te sporazum dostavili Sudu na razmatranje.

Sud je, u skladu sa članom 231. ZKP BiH, razmotrio zaključeni sporazum o priznanju krivnje. Optuženi je sporazumom priznao krivnju za počinjeno krivično djelo Neovlašten promet opojnim drogama iz člana 195. stav 2. u vezi stava 1. KZ BiH, a koja djela mu se optužnicom stavljaju na teret. U sporazumu je predloženo da se optuženom, za počinjeno krivično djelo izrekne kazna zatvora u trajanju od tri (3) godine i da mu se oduzme protivpravna imovinska korist pribavljena krivičnim djelom u iznosu od 2.400,00 Eura i 60,00 KM, a optuženi Vuknić Milan obavezuje se svjedočiti o svim činjenicama koje su mu poznate u ovom krivičnom predmetu i o svim izvršiocima, saizvršiocima i pomagačima tih djela koja su njemu poznata i u kojima je eventualno i sam sudjelovao, kao i da je optuženi saglasan, ukoliko ga Sud ne oslobodi naknade troškova, da naknadi troškove krivičnog postupka koje Sud utvrdi.

Tokom pretresa za razmatranje sporazuma o priznanju krivnje, Sud je utvrdio da je optuženi sklopio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za moguće imovinsko pravne zahtjeve i troškove krivičnog postupka. Sud je utvrdio i da postoji dovoljno dokaza o krivnji optuženog, kao i da je optuženi razumio da se na ovaj način odriče prava na suđenje i da ne može uložiti žalbu na krivičnopravnu sankciju koja će mu biti izrečena.

Tokom pretresa za izricanje krivičnopravne sankcije, održanog dana 17.02.2010. godine, a nakon što je Sud prihvatio predmetni sporazum, tužitelj Tužilaštva BiH je istakao kako je Tužilaštvo, prilikom predlaganja krivičnopravne sankcije navedene u sporazumu, u obzir uzelo korektno držanje optuženog tokom istrage, pristanak opruženog da svjedoči protiv saučesnika, kajanje za počinjeno krivično djelo i njegovu porodičnost odnosno činjenicu da optuženi ima jedno malodobno dijete. Otežavajuće okolnosti tužitelj nije naveo. Konačno, tužitelj je istakao kako će se izricanjem kazne zatvora u trajanju od tri godine, te oduzimanjem imovinske koristi, postići kako opšta tako i posebna svrha kažnjavanja. Branilac optuženog, advokat Slavko Aščerić, složio se sa svim navodima tužitelja, te dodao da je optuženi djelo u cijelosti priznao i da smatra kaznu adekvatnom težini počinjenog djela.

Sud je sporazum o priznanju krivnje u cijelosti prihvatio, nalazeći da su ispunjeni svi uslovi iz člana 231. stav 6. ZKP BiH.

Cijeneći dokaze koji su od strane Tužilaštva BiH dostavljeni uz optužnicu, i to: *Naredba za objavu potrage za NN licem od 13.08.2009. godine; Zapisnik o predaji osobe lišene slobode Milan Vuknić od 12.08.2009. godine; Zapisnik o predaji osobe*

lišene slobode Milan Vuknić od 12.08.2009. godine; Zahtjev za dostavu podataka iz kaznene evidencije od 22.10.2009. godine; Izvod iz kaznene evidencije RH od 01.11.2009. godine; Zapisnik o ispitivanju osumnjičenog Milana Vuknića od 15.01.2010. godine; Zapisnik o ispitivanju osumnjičenog Milana Vuknića od 12.08.2009. godine; Zapisnik o predaji osobe lišene slobode Dinko Križanac od 12.08.2009. godine; Zapisnik o ispitivanju osumnjičenog Dinko Križanac od 12.08.2009. godine; Zapisnik o ispitivanju osumnjičenog Dinko Križanac od 13.10.2009. godine; Zapisnik o ispitivanju osumnjičenog Dinko Križanac od 12.08.2009. godine; Dostava podataka iz kaznene evidencije od 23.10.2009. godine; Dostava podataka iz kaznene evidencije od 27.10.2009. godine; Zapisnik o saslušanju svjedoka Muhamed Ramić od 22.01.2010. godine; Zapisnik o saslušanju svjedoka Semin Kadić od 26.10.2009. godine; 15-A – Zapisnik o saslušanju svjedoka Križanac Dinka KT-366/09 od 29.10.2010. godine; Naredba za hemijsko vještačenje od 13.08.2009. godine; Nalaz vještačenja (Ispitivanje NN materije) br. 09-14/1-1-04-5-4445 od 14.08.2009. godine; Vještačenje bioloških tragova br. 09-14/1-2-04-5-4445/09; Fotodokumentacija br. 09-14/1-2-04-5-4445/09 od 13.08.2009 u prilogu fotodokumentacija na CD-u; Naredba Suda BiH br. X-KRN-09/763 od 19.08.2009. godine; Naredba za izvršenje naredbe br. KT-366/09 od 19.08.2009. godine; Očitovanje podataka sa mobilnog telefona i SIM kartice br. 09-14/4-170 od 23.09.2009. godine; Izvještaj o počinjenom KD br. 09-13/4-KU-85/09/MR od 12.08.2009. godine; Dostava materijala oznaka II Kir-862/09 RH Županijski Sud u Splitu od 09.10.2009. godine; Dopis uz Molbu za pružanje međ. pravne pomoći od 07.09.2009. godine; Dopis uz Molbu za pružanje međ. pravne pomoći od 27.10.2009. godine; Zahtjev za analizu informacija od 13.10.2009. godine; Izvještaj o izvršenoj analizi informacija br. 09-13/4-492 od 02.11.2009, u prilogu 3 DVD-a, 3 CD-a, 1 floppy disk; Zapisnik Županijskog suda u Splitu RII br. II KIR-1036/09 od 19.10.2009, uz Nalog Županiskog suda u Splitu broj: II KIR 190/09 od 20.02.2009.godine, Nalog broj: II KIR 190/09 od 03.03.2009. godine, Nalog broj: II KIR 190/09 od 28.04.2009.godine, Nalog broj: II KIR 190/09 od 19.05.2009.godine, Nalog broj: II KIR 190/09 od 19.05.2009.godine, Rješenje broj: II Kir -190/09 od 19.06.2009. godine, Nalog broj: II Kir-190/09 od 07.08.2009. godine, Nalog broj: II Kir-190/09 od 17.08.2009. godine uz Šemu poziva; Prijedlog za izdavanje naredbe za pretresanje uređaja za automatsku obradu podataka od 19.08.2009. godine, u prilogu 2 mobilna uređaja i 1 SIM kartica; Dostava Izvještaja o izvršenom pretresu br.09-13/4-04-3-4446 (Izvještaj u prilogu) od 12.08.2009. godine, u prilogu fco naredbe i potvrde; Dostava Izvještaja o izvršenom pretresu br.09-13/4-04-3-4445 (Izvještaj u prilogu) od 12.08.2009. godine, u prilogu fco naredbe i potvrde; Dopis Suda BiH br. X-KRN-09/763 dostava dokumentacije navedene na dopisu od 12.08.2009. godine; Dopis FMUP br.09-13/4-04-3-4446 dostava fotodokumentacije od 02.09.2009. godine, u prilogu Fotodokumentacija oznaka O.R.1291/09; Dopis Suda BiH br.X-KRN-09/763 dostava dokumentacije i predmeta navedene na dopisu od 13.08.2009, u prilogu 2 CD-a; Dopis FMUP br.09-13/4-04-3-4446/09 dostava podataka i ličnih dokumenata od 23.10.2009. godine; E-mail poruka nalovljena sa „Kontra“ u prilogu dopis MUP RH; Dopis FMUP br. 09-13/4-492/09 od 03.12.2009. godine, dostava dokumentacije navedene

*na dopisu, u prilogu fco dostavljene dokumentacije; kutija smeđe boje u kojoj se nalazi opojna droga „heroin“; plavo –crna putna sportska torba.*

Optuženi nije imao prigovor na dokaze optužbe, niti je ulagao svoje dokaze.

Sud je utvrdio da ovi dokazi u cijelosti potvrđuju krivnju optuženog. Zaključak da je optuženi počinio krivična djela koja mu se stavljaju na teret, posebno proizilazi iz Nalaza vještačenja (Ispitivanje NN materije) br. 09-14/1-1-04-5-4445 od 14.08.2009. godine, Vještačenja bioloških tragova br. 09-14/1-2-04-5-4445/09; Fotodokumentacije br. 09-14/1-2-04-5-4445/09 od 13.08.2009, Očitovanja podataka sa mobilnog telefona i SIM kartice br. 09-14/4-170 od 23.09.2009. godine i Izvještaja o izvršenoj analizi informacija br. 09-13/4-492 od 02.11.2009, kao i iz Zapisnika o ispitivanju osumnjičenog Milana Vuknića od 15.01.2010. godine i 12.08.2009. godine, Zapisnika o ispitivanju osumnjičenog Dinka Križanca od 12.08.2009. godine, 13.10.2009. godine i 12.08.2009. godine, Zapisnika o saslušanju svjedoka Muhameda Ramića od 22.01.2010. godine i Zapisnika o saslušanju svjedoka Semina Kadića od 26.10.2009. godine, iz kojih jasno proizilazi da je optuženi Milan Vuknić u periodu od 20.02.2009. godine do 11.08.2009. godine organizovao grupu ljudi radi kupovine, prijevoza i prenosa opojne drogu „heroin“ na područje Bosne i Hercegovine, a radi međunarodne kupoprodaje i daljeg prijevoza i prenosa opojne droge „heroin“ iz Bosne i Hercegovine u Republiku Hrvatsku, od njemu poznatih lica sa područja Republike Crne Gore, kojoj grupi ljudi su pristupili Milanu Vukniću poznata NN osoba po nadimku „Bole“ i druga NN osoba sa područja R. Crne Gore, da bi zajedno organizovali međunarodni promet supstanci ili preparata koji su propisom proglašeni opojnim drogama, a sve radi sticanja protupravne imovinske koristi, na način kako je to opisano pod tačkom 1. izreke presude.

Sud je utvrdio da ovi dokazi u cijelosti potvrđuju krivnju optuženog, pa imajući u vidu priznanje optuženog i rezultate ponuđenih dokaza, te da na izvedene dokaze nije bilo prigovora, Sud je utvrdio da je optuženi Vuknić Milan počinio krivično djelo Neovlašten promet opojnim drogama iz člana 195. stav 2. u vezi stava 1. KZ BiH, na način kako je to opisano u izreci presude, za koje ga je i oglasio krivim.

Dana 17.02.2010. godine, Sud je optuženom Vuknić Milanu, uz primjenu odredaba članova 39, 42. i 48. KZ BiH za predmetno krivično djelo izrekao kaznu zatvora u trajanju od tri (3) godine, koja kazna je srazmjerna težini učinjenog krivičnog djela i stepenu krivične odgovornosti optuženog, te činjenici da je određena predmetnim sporazumom o priznanju krivice koji je Sud u cijelosti prihvatio.

Odlučujući o kazni, Sud je na strani optuženog kao olakšavajuće okolnosti cijenio njegove lične i porodične prilike koje se ogledaju u činjenici da se radi o porodičnom čovjeku, ocu jednog maloljetnog djeteta, te lošim materijalnim prilikama u porodici (supruga nezaposlena, održavaju se od očeve penzije) koje

okolnosti je naveo optuženi, a koje Tužilaštvo ni na koji način nije osporilo niti dovelo u sumnju pa ih je Sud našao nesporno utvrđenim.

Otežavajućih okolnosti na strani optuženog Sud nije našao.

Zbog svega naprijed navedenog, Sud je uvjerenja da će se ovakvom kaznom na optuženog popravno djelovati da ubuduće ne čini krivična djela, kao i da će se istom preventivno djelovati na druge potencijalne izvršioce krivičnih djela. Ovakvom kaznom se zasigurno utiče i na svijest građana o štetnosti i pogubnim posljedicama vršenja krivičnih djela i o opravdanosti odnosno pravedosti kažnjavanja izvršilaca, te se na jedinstven način izražava društvena osuda učinjenog krivičnog djela, na koji način se u cijelosti postiže svrha kažnjavanja propisana članom 39. Krivičnog zakona BiH.

Na osnovu člana 56. stav 1. KZ BiH u izrečenu zatvorsku kaznu optuženom Vuknić Milanu uračunava se vrijeme koje je proveo u pritvoru po rješenju ovog Suda broj X-KRN-09/763 od dana lišenja slobode 11.08.2009. godine pa do upućivanja na izdržavanje kazne.

U skladu sa odredbama člana 110. stav 1. KZ BiH i članom 396. stav 1. i 2. ZKP BiH, od optuženog se oduzima imovinska korist pribavljena krivičnim djelom, i to iznos od 2.400,00 EUR – a i 60,00 KM, koji iznos je Sud utvrdio na osnovu Sporazuma o priznanju krivnje broj KT – 366/09 od 12.02.2010. godine, a kojim su se optuženi i njegov branilac saglasili da prihvataju utvrđenu visinu stečene protivpravne imovinske koristi u navedenom iznosu.

Na osnovu člana 188. stav 1. ZKP BiH, a u skladu sa članom VII sporazuma, optuženi je obavezan naknaditi troškove krivičnog postupka o čijoj visini će Sud odlučiti naknadno, odnosno kada pribavi potrebne podatke.

**ZAPISNIČAR**  
**Lana Ferović**

**SUDIJA ZA PRETHODNO SASLUŠANJE**  
**Ljubomir Kitić**

**POUKA O PRAVNOM LIJEKU:** Protiv ove presude dozvoljena je žalba Apelacionom vijeću Suda u roku od 15 (petnaest) dana od dana primitka iste, osim u dijelu koji se odnosi na krivično pravnu sankciju.